



Pelajar SMK Bandar Banting yang menjadi tulang belakang menyajikan Lawatan Perkongsian Pendidikan.



Murid dan guru SD Muhammadiyah 26 diiringi masuk dengan bunga manggar dan gubahan bunga telur yang melambangkan budaya Melayu.

Dikunjungi sekolah negara jiran

SMK Bandar Banting promosi destinasi pelancongan pendidikan bagi Kuala Langat

ANIM ATHIRAH AMIN

BANTING - Bagi mempromosikan Sekolah Menengah Kebangsaan (SMK) Bandar Banting sebagai destinasi pelancongan pendidikan pihak sekolah menerima kunjungan Sekolah Dasar (SD) Muhammadiyah 26, Surabaya Indonesia.

Penyelaras program, Mohd Faathir Mohamad Sulong berkata, selain merapatkan hubungan antara dua negara, program yang dinamakan Lawatan Perkongsian Pendidikan itu turut bertujuan bertukar pandangan dan berkongsi ilmu.

"Seramai 120 guru dan 200 murid terlibat dalam menyajikan lawatan ini yang dirasmikan wakil Pejabat Pendidikan Daerah (PPD) Kuala Langat, Maimunah Mustafila.

"Pelbagai aktiviti yang disajikan



Pelajar SMK Bandar Banting, Nurul Amalina Suharyo Fadhill (kiri) dan Johan Jamil Abdullah (kanan) bersama murid SD Muhammadiyah 26.

kepada rombongan pelawat antaranya mencanting batik, petanque, kaligrafi Cina, memanah dan cara pembuatan wau," katanya.

Beliau yang juga Ketua Pelancongan Koperasi Sekolah (PKS SMKBB) berkata, persembahan silat, silamban, robotik, tarian kipas, tarian tradisional India dan dikir barat daripada pelajar SMK Bandar Banting turut dipersembahkan bagi memperkenalkan kepelbagaian budaya masyarakat negara ini.

Sementara itu, Pengetua Siti Asnah

Ahmad berkata, sambutan program berkenaan amat menggalakkan apabila PPD, pelajar dan PIBG turut sama memberi sokongan.

"Program seperti ini boleh diteruskan lagi kerana dapat mempromosi keunikan di sekolah khususnya di Daerah Kuala Langat.

"Program ini menjadi platform perkongsian budaya antara dua negara serumpun dan dapat berkongsi pengalaman serta ilmu dengan sekolah negara jiran," katanya.



Asnah (kanan) menyampaikan cenderamata kepada wakil PPD yang turut hadir, Abdul Hamid Asnan (kiri).



Johan Jamil Abdullah menunjukkan cara pembuatan wau.



Persembahan dikir barat daripada pelajar SMK Bandar Banting.



Pelajar yang terlibat dalam persembahan silat.